

行化

東海西秦去南京北闕來客塵都不染端坐是蓬萊

嶗山採藥

放蕩真如性逍遙養內丹寸靈無彼我百草變芝蘭

太古郝公昇霞門人送道袍不受以此贈之

彼物迴將去分文沒往還一靈真性在脫盡死生關

述懷

巨初無相物默默獨歌歡動靜還元主玄風幸得觀

文登擇福地作升霞觀二首

三寶興緣地諸公可察詳不唯身富貴更得性清涼

道藏輯要

雲光集

圭

胃集九

萬事信天然隨方結善緣一壺藏造化四序景新鮮

順天者昌

好事如山嶽精持每用功立身弘大道法性自圓融

逆天者亡

姦懶心機巧頑情不順天教門真患害地獄苦因緣

出塵

一點真如性居塵不染塵虛無元體段脫灑度天人

頌

昔在牟平縣沽水莊遲二翁宅說教大露天機全家跪聽

皆如聾者及見遲公壽數不長故以言警之

休把黃泉戲弄全體內懷珍重違天百禍臨身達道萬靈感動
宣在都下眾官贈衣物並鞍馬不受

欲趁生老病苦叮囑宜修仙舉忘情絕了塵緣萬化還歸本主
朝元子劉公精誠奉道施惠過多欲因此頌激勵出塵之
心

欲求長生之因休欲了自然之道欲修真實福田濟人欲作扶
緣演教和光

泰安州王稟告全家入道

異哉王稟全家各修清靜根芽分別爭逃死路烹鍊日月精華

述懷

道藏輯要

雲光集

圭

胃集九

昔日區區守道今時真聖應報大羅玉簿名句後學修仙早早

廬宣武索

大道開闢以來無相化生萬類人還物我同觀返照深根固蒂

行化至蒲臺縣失馬寄呈朝元公詳察

失馬虛空一化的望朝元清雅懽心體用仙機別有祥鸞穩跨

贈棧州防禦七駙馬

為官王事所拘學道虛空掌管四民各藝爭忙達者不論長短

贈馬悟真

悟真全然去假縛住心猿意馬寶宮虎鬪龍蟠赤鳳青鸞穩跨

馬智真索